

Alkitab Anggen Anak Alit



Prabu
Ganteng ane
belog



Kasurat olih: Edward Hughes

Kaperagayang olih: Janie Forest
Alastair Paterson

Ka tempa saking: Lyn Doerksen

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya


Kakaryanin olih: Bible for Children
www.M1914.org

©2024 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.



Dane Samuel, hakim lan pemimpin bangsa Israel ane jani sube
lingsir. Dane nadiang okan-okan nyane dadi hakim buat bangsa
Israel, ane lakar ngantinin linggih danene dadi pengayah ring ayun
Ida Sang Hyang Widi. Sakewala
okan-okan dane Samuel
mekejang dadi anak ane jaat.
Ia demen pesan teken pipis lan
nganggon kekuasaan ipune
alat apange liu maan pipis
aji parisolah ane
tusing jujur.




Makejang rakyat Israele idupne menderita pesan uli krane okan-okan
dane Samuel ane jahat. Makejang masyarakat Israele tagihine pipis
yen ia ngidih tulung. Ring dine anu makejang para penglingsir

bangsa Israele pada mepunduh,
ngidih tulung
ring dane
Samuel.




Ia ngidih apange dane Samuel ngangkat raja adiri, pare panglingsir
ento tusing nyak buin kepimpin baan okan-okan dane Samuel.
Makejang rakyate ngidih apange dane Samuel ngangkat raja adiri,
patuh care bangsa-bangsa ane lenan.



Pengidih pare penglingsir bangsa Israele ento ngranayang dane Samuel duke pisan, uli krane sujatine bangsa Israel sube ngelah raja. Rajan bangsa Israele tusing ja len, tuah Ida Sang Hyang sane maha luhur, langgeng, tur mrentah Israele. Makudang-kudang tiban ane sube lewat, Ida sane mebasang bangsa Israele uli bangsa Mesir dugas ia dadi budak ditu.






Lantas Ida ngicen
bangsa Israele tanah
ane melah pesan.



Daweg dane Samuel ngestawa, Ida Hyang Widi mapica jawaban,
"Sujatine Boye ja cening ane tusing kangguange, nanging Ulun ane
tusing kangguange, apange ulun tusing mrentahang ia. Ia sube
ngutang Ulun tur mebakti tekenin Widi ane lenan.


Padingehang ja pengidih
pare panglinsire ento, tur
angkat ja raja adiri ane



lakar dadi rajan
bangsa Israele."




Pangandikan Ida Hyang Widi
marep ring dane Samuel apange



dane Samuel ngorahin
bangsa Israele unduk
raja ane lakar mrentah
tuah lakar nelahan
pispisne anggota mayah
pajeg, ia masi lakar
tondene ngolah
tegalane; mretahang
sabilang anak ane
muani lakar dadiange
prajurit; lan makejang
anak ane luh lakar
dadiange babu.



Sakewala bangsa
Israele jeg tetep
ngidih apange ia
ngelah raja adiri.





Ida Sang yang Widi Wasa nuntun dane Samuel ketemu tekenin anak teruna anak ganteng, ia nu lek-lekan tur awakne tegeh pesan – tegehane teken anak-anak ane lenan. Adane Saul. Dugase Samuel nyikakin Saul, Ida Sang Hyang Widi Wasa mesabda, “Anak trune ne lakar dadi pucuk pimpinan kaulan Ulune”.






Dane Samuel ninutin titah Ida Sang Hyang Widi, lantas dane Samuel nyriokin Saul aji lengis tur ngangkat Saul dadi raja. Ditu lantas dane Samuel ngedengan raja Saul di arepan bangsa Israele, ia makejang masuryak kegigaran, "hidup sang prabu".



Raja Saul maan tantangan. Wong bani Amon ane tusing demen ngajak bangsa Israel, ngepung kota Israele saha mesuang ancamanan lakar nyungkil makejang peninggalan ane tengawan wong Israele. Nah ento dadi rencana ane jahat pesan. Ortene ento kedingehang baan raja

Saul. Dane Saul lantasi nyiapang pasukanne.






Dugas pasukan bani amon lan pasukan tentara Israele meperang, Raja Saul nyidang ngalahang pasukan bani Amon lan kota kotan Israele selamet. Dane Raja Saul memuji Ida Hyang Widi Wasa, saha matur, "didinane ane jani Ida Sang Hyang Widi Wasa micayang kerahayuan pabuat bangsa Israele".




Ida Sang Hyang Widi Wasa micayang ring dane Saul kemenangan
ane hebat pesan, nanging dane Saul tusing ja setate taat ring titah
Idane. Sedekang dine anu, setondene dane raja Saul meperang
ngelawan bangsa Filistin, dane
Saul ngaturang aturan ring Ida
Sang Hyang Widi Wasa.




Dane sujatine nawang, ane wenang ngaturang aturan ento sujatine
tuwah je dane Samuel, Saul patut ngantosang dane Samuel nganti
dane rawuh. Sakewala dane Saul tusing ja nyak taat ninutin titah
Ida Sang Hyang Widi Wasa.



Sesubane dane Samuel rawuh, dane mebaos tekenin dane Saul, "belog pesan parisolah ceninge, cening tusing ja nyak ninutin pidabdab Ida Sang Hyang Widi Wasa, Widin ceninge, nah ane jani penegaran ceninge tusing ja lakar langgeng."



Miriban dane raja Saul lantasi mepineh kene, ah tusing ke totonan dosa ane cenik. Sakewala yening tusing nyak ninutin pidabdab Ida Sang Hyang Widi, nah ento pinaka dosa ane serius pesan.




Digalahe ane lenan, Ida Sang Hyang Widi Wasa nitahang dane raja saul apange dane ngematiang makejang wong amaleke ane jahat ento. Sakewala dane raja Saul lan panjak-panjakne tusing



ja ngematiang dane raja Agag, raja Amaleke, ia jeg enu depine idup. Keto masih, dane ngerampas tur nyimpen barang-barang ane mael-mael, domba lan lembu. Dane Saul ngorahang, dane nyimpen makejang barang-barange ento sawireh lakar anggone aturan pabuat Ida Sang Hyang Widi.





Pangandikan dane Samuel ring dane Saul, "lebih utamaan ngelaksanayang sabdan Idane, bandingan teken aturan biri-birine. Cening sube tusing nyak ninutin sabdan Idane, Ida masi tusing buin nggangguang cening dadi raja." Dane Saul nyeselin pariolahne, sakewala sube telat. Pamuput idupne tusing ja luwung, sawireh dane tusing ninutin sabdan Widi.



Prabu Ganteng ane belog

Wenten katuturan carita saking pengandika Ida sang Hyang
widi mewasta Alkitab,


dados sobyahang ring

1 Samuel 8-16

"Pemargin saking pengandika Ida Ngicenin Karahayuan."

Mazmur 119:130





Puput

18

60



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacén Alkitab tur mapitatur sareng Ida Hyang Widhi ngerahina! Yohanes 3:16

